

針灸大成

針灸大成卷之四

仰人腹穴尺寸圖

伏人背穴尺寸圖

中指取寸圖

九針論

九針式

製針法

內經補瀉

難經補瀉

神應經補瀉

南豐李氏補瀉

四明高氏補瀉

三衢楊氏補瀉

生成數

經絡迎隨設為問答


禁針禁灸歌

太乙禁忌圖

尻神禁忌圖

人神禁忌圖

伏人尺寸圖



背部穴俞歌

腎統

二節大椎。風門肺俞。厥陰心督。肝鬲膽脾。胃俞三焦。腎俞
氣海。大腸關元。小腸膀胱。中膂白環。上次中下。膏肓臍門。
四花六穴。腰俞命門。穴皆可徹。

腹部中穴歌

天突璇璣。華蓋紫宮。玉堂臍中。中庭鳩尾。巨闕上脘。中脘
建里。下脘水分。神闕交海。石門關元。中極曲骨。膀胱二寸。
俠臍天樞。期章二門。不可不知。

頭部

前髮際至後髮際。折作十二節。為一尺二寸。前髮際不明

者。取眉心直上行三寸。後髮際不明者。取大椎上行三寸。前後俱不明者。折作一尺八寸。頭部直寸。並依此法取。眼內眥角。至外眥角為一寸。頭部橫穴。並依此穴寸法取。神庭穴至曲差穴。曲差穴至本神穴。本神穴至頭維穴。各一寸半。自神庭至頭維。共四寸半。

背部

大椎穴至尾骶骨穴。共計二十一椎。通作三尺。故謂人為三尺之軀者。此也。

上七椎。每椎一寸四分一釐。共九寸八分七釐。

中七椎。每椎一寸六分一釐。共一尺一寸二分七釐。

下七椎。每椎一寸二分六釐。共八寸八分二釐。

第二行。俠脊各一寸半。除脊一寸。共折作四寸。分兩旁。
第三行。俠脊各三寸。除脊一寸。共折作七寸。分兩旁。

腹部。

膺部腹部橫寸。並用對乳間橫折作八寸。○膺腹橫寸取穴。悉依上法。直寸取穴。依中行心蔽骨。下至臍。共折八寸。人無蔽骨者。取歧骨。下至臍心。共折九寸取之。○臍下至毛際橫骨。折作五寸。○天突至臍中。折作八寸。下行一寸。六分。為中庭。上取天突。下至中庭。共折九寸六分。

手足部。并背部橫寸。並用中指寸取之。

中指同身寸圖



男左女右手。中指第二節內廷兩橫紋頭相去為一寸。取稻稈心量。或用薄篾量。皆易折而不伸縮為準。用繩則伸縮不便。故多不準。

素問九針論

岐伯曰。聖人之起天地之數也。一而九之。故以主九野。九而九之。九九八十一。以起黃鐘數焉。以鍼應九數也。何以言之。一者天也。天者陽也。五臟之應天者。肺者五臟六腑之華蓋也。皮者肺之合也。人之陽也。故為之治鍼。必大其頭而銳其末。令毋得深入而陽氣出。二者地也。人之所以應土者。肉也。故為之治鍼。必筭其身而圓其末。令毋得傷肉分。傷則氣得竭。三者人也。人之所以成生者。血脈也。故為之治鍼。必大其身而圓其末。令可以按脈勿陷。以致其氣。令邪氣獨出。四者時也。時者四時八風之客於經絡。

中為溜病者也。故為之治鍼。必筭其身而鋒其末。令可以
瀉熱。出血而痼病竭。五者音也。音者冬夏之分。分於子午。
陰與陽別。寒與熱爭。兩氣相搏。合為癰膿者。故為之治鍼。
必令其末如劍鋒。可以取大膿。六者律也。律者調陰陽。四
時而合十二經脉。虛邪客於經絡。而為暴痺者也。故為之
治鍼。必令尖如毫。且圓且銳。中身微大。以取暴氣。七者星
也。星者人之七竅。邪之所客於經。為痛痺。舍於經絡者也。
故為之治鍼。令尖如蚊喙。靜以徐往。微以久留。正氣因
之。真邪俱往。出鍼而癢者也。八者風也。風者人之股肱八
節也。八正之虛風。八風傷人。內舍於骨解。腰脊節腠之間。

為深痺也。故為之治鍼。必長其身鋒其末。可以取深邪遠痺。九者野也。野者人之節解皮膚之間也。淫邪流溢於身。如風水之狀而溜不能過於機關大節者也。故為之治鍼令尖如挺其鋒微圓以取大氣之不能過於關節者也。一天二地三人四時五音六律七星八風九野。身形亦應之。鍼有所宜。故曰九鍼。人皮應天。人肉應地。人脈應人。人筋應時。人聲應音。人陰陽合氣應律。人齒面目應星。人出入氣應風。人九竅三百六十五絡應野。故一鍼皮二鍼肉三鍼脉四鍼五臟筋五鍼骨六鍼調陰陽七鍼應精八鍼除風九鍼通九竅除三百六十五節氣。此之謂有所主也。

九鍼式

帝曰。鍼之長短有數乎。岐伯對曰。一曰鑱鍼。取法於巾。鍼頭大末銳。末平半寸。卒銳之長一寸六分。二曰圓鍼。取法于絮。鍼筭其身而卵其鋒。鍼如卵形。圓其末。長一寸六分。三曰鍤鍼。鍤。音。取。法。于。杏。栗。之。銳。長三寸半。四曰鋒鍼。取法于絮。鍼筭其身。鋒其末。刃三隅。長一寸六分。五曰鈹鍼。取法于劍。鋒末如劍。廣二寸半。長四寸。六曰圓利鍼。取法于毫鍼。且圓且銳。微大其末。反小其身。又曰中身微大。長一寸六分。七曰毫鍼。取法于毫毛。尖如蚊蚋喙。長三寸六分。八曰長鍼。取法于綦。鍼鋒利身薄。長七寸。九曰火鍼。取法

千鋒鍼。大如挺。其鋒似微圓。長四寸。此九鍼之長短也。

九鍼圖。

鑱鍼。平半寸。長一寸六分。頭大末銳。刺在皮膚。刺熱者用此。今之名箭頭針是也。



圓鍼。其身圓。鋒如卵形。長一寸六分。指摩分肉用此。



鍤鍼。其鋒如黍粟之銳。長三寸五分。脈氣虛少用此。



鋒鍼。其刃三隅。長一寸六分。發痼疾刺大者用此。今之所謂三稜針是也。



針鍼

一名鉞針。末如劍鋒。廣二寸半。長四寸。破癰腫。此藥。今名劍針是也。



圓利鍼

夫如毫。且同。且利。其末微大。長一寸六分。取毒痺刺小者用此。

毫鍼

法象毫。夫如蚊蚤喙。長三寸六分。取痛痺刺寒者用此。

長鍼

鋒如利。長七寸。痺深居骨解腰脊節。此今之名。謂針是也。

火鍼

一名燔針。長四寸。凡虛腫毒解肌排毒用此。



製針法

本草云。馬銜鉄無毒。日華子云。古舊銚者好。或作醫工針。按本草。桑鉄即熟鉄。有毒。故用馬銜則無毒。以馬屬午。屬火。火尅金。解鉄毒。故用以作針。古曰。金針者。貴之也。又金為總名。銅鉄金銀之屬皆是也。若用金針更佳。

煮針法

先將鉄絲於火中煨紅。次截之。或二寸。或三寸。或五寸。長短不拘。次以蟾酥塗針上。仍入火中微煨。不可令紅。取起。照前塗酥。煨三次。至第三次。乘熱。插入臍肉皮之裡。肉之外。將後藥。先以水三碗。煎沸。次入針肉在內。煮至水乾。傾

於水中待冷將針取出於黃土中插百餘下色明方佳以去火毒次以銅絲纏上其針尖要磨圓不可用尖刃。

麝香

五分

膽礬

石斛

各一錢

川山甲

當歸尾

硃砂

沒藥

鱗金

川芎

細辛

各三錢

甘草節

沉香

各五錢

磁石

一兩能引諸藥入缺內

又法用烏頭巴豆各一兩硫黃麻黃各五錢木鱉子烏梅各十箇同針入水用磁罐內煮一日洗擇之再用止痛沒藥乳香當歸花乳石各半兩又如前水煮一日取出用皂角水洗再於火肉內煮一日仍用瓦屑打磨淨端直用松子油塗之常近人氣為妙。

煖針

素問遺篇註云。用圓利針。長針。未刺之時。先口內溫針。煖而用之。又曰。毫針於人近體。煖針至溫方刺。

按口體溫針。欲針入經絡。氣得溫而易行也。今或投針於熱湯中。亦此意耳。口溫與體溫微有不同。口溫者針頭雖熱。而柄尚寒。不若着身溫之。則針通身皆熱矣。

火針

火針即淬針。頻以麻油蘸其針。燈上燒令通紅。用方有功。若不紅。不能去病。反損於人。燒時令針頭低下。恐油熱傷手。先令他人燒針。醫者臨時用之。以免手熱。先以墨點記。

穴道使針時無差。火針甚難。須有臨陣之將心。方可行針。先以左手按穴。右手用針。切忌太深。恐傷經絡。太淺不能去病。惟消息取中耳。凡行火針。必先安慰病人。令勿驚惧。較之與灸一般。灸則疼久。針則所疼不久。一針之後。速便出針。不可久留。即以左手速按針孔。則能止疼。人身諸處皆可行火針。惟面上忌之。火針不宜針脚氣。反加腫痛。宜破癰疽發背。潰膿在內。外面皮無頭者。但按毒上軟處。以潰膿。其潤太者。按頭尾及中以墨點記。宜下三針。決破出膿。一針腫上。不可按之。即以手指從兩旁捺之。令膿隨手而出。或腫大膿多。針時須側身回避。恐膿射出汗身也。

溫針

王節齋曰近有為溫針者乃楚人之法其法針穴上以香
白芷作圓餅套針上以艾灸之多以取効然古者針則不
灸灸則不針夫針而加灸灸而且針此後人俗法此法行
於山野貧賤之人經絡受風寒致病者或有効只是溫針
通氣而已於血宜行於疾無與也古針法最妙但今無傳
恐不得精高之人誤用之則危拙出於頃刻惟灸得穴有
益無害允宜行之○近見衰弱之人針灸並用亦無妨

治折針法

一用磁石四吸石引其肉中針即出。

一用象牙屑碾細水和塗上即出。

一用車脂成膏子攤紙上如錢大日換三五次即出。

一用烏翎三五枝火炙焦為末好醋調成膏塗上紙蓋一

二次其針自出。

一用臘姑腦子搗爛塗上即出。

一用硫黃研細調塗上以紙花貼定覺痒時針即出。

一用雙杏仁搗爛以鮮脂調勻貼針瘡上針自出倘經絡

有傷膿血不止用黃芪當歸肉桂木香乳香沉香別研

菜豆粉糊丸每五十九熱水服之。

內經補瀉

帝曰。余聞刺法有餘者瀉之。不足者補之。岐伯曰。百病之生。皆有虛實而補瀉行焉。○瀉虛補實。神去其室。致邪失正。真不可定。粗之所敗。謂之夭命。補虛瀉實。神歸其室。又塞其空。謂之良工。

凡用鍼者。隨而濟之。迎而奪之。虛則實之。滿則瀉之。宛陳則除之。邪盛則虛之。徐而疾則實。疾而徐則虛。言實與虛。若有若無。察後與先。若存若亡。為虛與實。若得若失。虛實之要。九鍼最妙。補瀉之時。以鍼為之。瀉曰迎之。必持內之。放而出之。排陽得鍼。邪氣得泄。按而引鍼。是謂內溫。血不

得散氣不得出也。補曰隨之隨之之意。若忘若行。若按如蚊蚋止。如留還去。如絃絕。令左屬右。其氣故止。外門已閉。中氣乃實。必無留血。必取誅之。刺之而氣不至。無問其數。刺之而氣至。乃去之。勿復鍼。

鍼有懸布天下者五。一曰治神。二曰知養身。三曰知毒藥。四曰制砭石大小。五曰知五臟血氣之診。五法俱立。各有所先。今末世之刺也。虛者實之。滿者泄之。此皆衆工所共知也。若夫法天則地。隨應而動。和之者若響。隨之者若影。道無鬼神。獨來獨往。帝曰。願聞其道。岐伯曰。凡刺之真。必先治神。五臟已定。九候已備。後乃存鍼。衆脉不見。衆凶弗

聞外內相得無以形先可玩往來乃施於人人有虛實五
虛勿近五實勿遠至其當發間不容睫手動若務鉞耀而
勻靜意視義觀適之變是謂冥冥莫知其形見其烏烏見
其稷稷從見其飛不知其誰伏如橫弩起如發機

刺虛者須其實刺實者須其虛經氣已至慎守勿失淺深
在志遠近若一如臨深淵手如握虎神無營於衆物義無
邪下必正其神○小針之要易陳而難入粗守形上守神
神乎神客在門未覩其疾惡知其原刺之微在速遲粗守
關上守機機之動不離其空空中之機清淨而微其來不
可逢其往不可追知機之道者不可掛以髮不知機道和

之不發。知其往來。要與之期。粗之問乎。妙哉。工獨有之。往者為逆。來者為順。明知逆順。正行無問。迎而奪之。惡得無虛。隨而濟之。惡得無實。迎之隨之。以意和之。鍼道畢矣。凡用鍼者。虛則實之。滿則泄之。菀陳則除之。邪盛則虛之。大要曰。持鍼之道。堅者為實。正指直刺。無鍼左右。神在秋毫。屬意病者。審視血脈。刺之無殆。方刺之時。必在懸陽。及與兩衛。神屬勿去。知病存亡。血脈者。在脗橫居。視之獨澄。切之獨堅。

刺虛則實之者。鍼下熱也。氣實乃熱也。滿則泄之者。鍼下寒也。菀陳則除之者。出惡血也。邪盛則虛之者。出鍼勿接。

也。徐而疾則實者。徐出鍼而疾按之也。疾而徐則虛者。疾出鍼而徐按之也。言實與虛者。察血氣多少也。若有若無者。疾不可知也。察後與先者。知病先後也。若存若亡者。脉時有無也。為虛與實者。工勿失其法也。若得若失者。離其法也。虛實之要九鍼最妙者。謂其各有所宜也。補瀉之時者。與氣開闔相合也。九鍼之名各不同形者。鍼窮其所當補瀉也。刺實瀉其虛者。留鍼陰氣隆至乃去鍼也。刺虛瀉其實者。陽氣隆至鍼下熱乃去針也。經氣已至慎守勿失者。勿變更也。淺深在志者。知病之内外也。遠近如一者。淺深其候等也。如臨深淵者。不敢墮也。手如握虎者。欲其壯

也。神無營於衆物者。靜志觀病人。無左右視也。義無邪下者。欲端以正也。必正其神者。欲瞻病人目。制其神。令氣易行也。

所謂易陳者。易言也。難入者。難著于人也。粗守形者。守刺法也。上守神者。守人之血氣有餘不足。可補瀉也。神客者。正邪共會也。神者。正氣也。客者。邪氣也。在門者。邪循正氣之所出入也。未覩其疾者。先知邪正何經之疾也。惡知其原者。先知何經之病所取之處也。刺之微在速遲者。徐疾之意也。粗守關者。守四肢而不知血氣正邪之往來也。上守機者。知守氣也。機之動不離其空者。知氣之虛實。用鍼

之徐疾也。至中之機清淨而微者。鍼以得氣。密意守氣。勿失也。其來不可逢者。氣盛不可補也。其往不可追者。氣虛不可瀉也。不可掛以髮者。言氣易失也。扣之不發者。言不知補瀉之。我血氣已盡而氣不下也。知其往來者。知氣之逆順盛虛也。要與之期者。知氣之可取之時也。粗之闇者。冥冥不知氣之微密也。妙哉。工獨有之者。盡知鍼意也。往者為逆者。言氣之虛而小。小者逆也。來者為順者。言形氣之平。平者順也。明知逆順。正行無問者。言知所取之處也。逆而奪之者。瀉也。隨而濟之者。補也。所謂虛則實之者。氣口虛而當補之也。滿則泄之者。氣口盛而當瀉之也。苑陳

則除之者去血脈也。邪盛則虛之者言諸經有盛者皆瀉其邪也。徐而疾則實者言徐內而疾出也。疾而徐則虛者言疾內而徐出也。言實與虛若有若無者言實者有氣虛者無氣也。察後與先若存若亡者言氣之虛實補瀉之先後察其益之已下與常存也。為虛與實者得若失者言補者似然若有得也。瀉者恍然若有失也。是故工之用誠也。知氣之所在而守其門戶明於調氣補瀉所在。徐疾之義所取之處。瀉必用圓切而轉之。其氣乃行。疾而徐出。邪氣乃出。伸而逆之。搖大其穴。氣出乃疾。補必用方。外引其皮令當其氣。左引其樞。右推其膚。微旋而徐推之。必端以正。

安以靜。堅心無解。欲微以留氣而疾出之。推其皮。蓋其外。門神氣乃存。用鍼之要。無忘其神。○瀉必用方者。以氣方盛也。以月方滿也。以日方溫也。以身方定也。以息方吸而內鍼。乃復候其方。吸而轉鍼。乃復候其方。呼而徐引鍼。故曰瀉補必用圓者。圓者行也。行者移也。刺必中其榮。復以吸排鍼也。故圓與方非鍼也。○瀉實者。氣盛乃內鍼。鍼與氣俱內。以開其門。如利其戶。鍼與氣俱出。精氣不傷。邪氣乃下。外門不開。以出其實。搖大其道。如利其路。是謂大瀉。必切而出。大氣乃屈。持鍼勿置。以定其意。候呼內鍼。氣出鍼入。鍼孔四塞。精無從出。方實而疾出鍼。氣入鍼出。熱不

得還閉塞其門。邪氣布散。精氣乃得存。動氣候時。近氣不失。遠氣乃來。是謂追之。

吸則內鍼。無令氣忤。靜以久留。無令邪布。吸則轉鍼。以得氣為故。候呼引鍼。呼盡乃出。大氣皆出。故命曰瀉。捫而循之。切而散之。推而按之。彈而努之。爪而下之。通而取之外。引其門以閉其神。呼盡內鍼。靜以久留。以氣至為故。如待所貴。不知日暮。其氣已至。適而自護。候吸引鍼。氣不得出。各在所處。推闔其門。令神氣存。大氣留止。故命曰補。○補瀉弗失。與天地一經。氣已至。慎守勿失。淺深在志。遠近如一。如臨深淵。手如握虎。神無營於衆物。持鍼之道。欲端以

正安以靜。先知虛實。而行疾徐。左手執骨。右手循之。無與
肉。裹瀉欲端以正。補必閉膚。輔鍼導氣。邪得滲洩。真氣得
居。帝曰。擇皮開腠理。奈何。岐伯曰。因其分肉。左別其膚。微
內而徐端之。適神不散。邪氣得出。○知其氣所在。先得其
道。稀而疎之。稍深以留。故能徐入之。大熱在上。推而下之。
上者引而去之。視先痛者。常先取之。大寒在外。留而補之。
入于中者。從合瀉之。上氣不足。推而揚之。下氣不足。積而
從之。寒入于中。推而行之。

夫實者氣入也。虛者氣出也。氣實者熱也。氣虛者寒也。入
實者。左手開鍼孔也。入虛者。右手閉鍼孔也。

形氣不足。病氣有餘。是邪盛也。急瀉之。形氣有餘。病氣不足。此陰陽俱不足也。不可刺。刺之則重不足。不足則陰陽俱竭。血氣皆盡。五臟空虛。筋骨髓枯。老者絕。壯者不復矣。形氣有餘。病氣有餘。此謂陰陽俱有餘也。急瀉其邪。調其虛實。故曰有餘者瀉之。不足者補之。此之謂也。故曰刺不知逆順。真邪相搏。滿而補之。則陰陽四溢。腸胃充郭。肝肺內脹。陰陽相錯。虛而瀉之。則經脉空虛。血氣竭枯。腸胃聶辟。皮膚薄著。毛腠天焦。予知死期。

凡用鍼之類。在於調氣。氣積於胃。以通榮衛。各行其道。宗氣留於海。其下者。經於氣衝。其直者。走於息道。故厥在於

足宗氣不下。腠中之血流而不止。弗之大調。弗能取之。○
散氣可收。聚氣可布。深居靜處。占神往來。閉戶塞牖。魂魄
不散。專意一神。精氣之分。毋聞人聲。以收其精。必一其神。
令志在鍼淺而留之。微而浮之。以移其神。氣至乃休。男內
女外。堅拒勿出。謹守勿內。是謂得氣。○刺之而氣不至。無
問其數。刺之而氣至。乃去之。勿復鍼。鍼各有所宜。各不同
形。各任其所為。刺之要。氣至而有效。效之信。若風之吹雲。
明乎若見蒼天。刺之道畢矣。

用鍼者。必先察其經絡之虛實。切而循之。按而彈之。視其
應動者。乃復取之。而下之。六經調者。謂之不病。雖病謂之

自己一經上實下虛而不通者。此必有橫絡盛加于大經。令之不通。視而瀉之。此所謂解結也。土寒下熱。先刺其項太陽。又留之。已刺即熨項與肩胛。令熱下合乃止。此所謂推而上之者也。上熱下寒。視其脉虛而陷下於經者。取之氣下乃止。此所謂引而下之者也。大熱徧身。狂而妄見。妄聞妄語。視足陽明及大絡取之。虛者補之。血而實者瀉之。因其偃卧。居其頭前。以兩手四指。俠按頭動脉。久持之。捲而切推。下至缺盆中而復止。如前熱去乃止。此所謂推而散之者也。

帝曰。余聞刺法言曰。有餘者瀉之。不足者補之。何謂有餘。

何謂不足岐伯曰有餘有五不足亦有五帝欲何問帝曰
願盡聞之岐伯曰神有有餘有不足氣有有餘有不足血
有有餘有不足形有有餘有不足志有有餘有不足凡此
十者其氣不等也帝曰人有精氣津液四肢九竅五臟十
六部三百六十五節乃生百病百病之生皆有虛實今夫
子乃言有餘有五不足亦有五何以生之乎岐伯曰皆生
於五臟也夫心藏神肺藏氣肝藏血脾藏肉腎藏志而此
成形志意通內生運骨髓而成形五臟五臟之道皆出於經
隧以行血氣血氣不和百病乃變化而生是故守經隧焉
帝曰神有餘不足何如岐伯曰神有餘則笑不休神不足

則悲血氣未并。臟安定邪客於形。洒淅起於毫毛。未入於經絡也。故命曰神之微。帝曰補瀉奈何。岐伯曰神有餘則瀉其小絡之血。出血勿之深斥。無中其大經。神氣乃平。神不足者視其虛絡。按而致之。刺而利之。無出其血。無泄其氣。以通其經。血氣乃平。帝曰刺微奈何。岐伯曰按摩勿釋。着鍼勿斥。移氣於不足。神氣乃得復。帝曰氣有餘不足奈何。岐伯曰氣有餘則喘欬。上氣不足則息利。少氣血氣未并。五臟安定。皮膚微病。命曰白氣微泄。帝曰補瀉奈何。岐伯曰氣有餘則瀉其經。無傷其經。無出其血。無泄其氣。不足則補其經。遂無出其氣。帝曰刺微奈何。岐伯曰按

摩勿釋。出鍼視之。曰。我將深之。適人必董。精氣自伏。邪氣散亂。無所休息。氣泄腠理。真氣乃相得。帝曰。血有餘不足。奈何。岐伯曰。血有餘則怒。不足則恐。血氣未并。五臟安定。孫絡水溢。則經有留血。帝曰。補瀉奈何。岐伯曰。血有餘則瀉其盛經。出其而不足。則補其虛經。內鍼其脉中。久留而視。脉大疾出其鍼。無令血泄。帝曰。刺留血奈何。岐伯曰。視其血絡。刺出其血。無令惡血得入於經。以成其疾。帝曰。形有餘不足。奈何。岐伯曰。形有餘則腹脹。溼洩不利。不足則四肢不用。血氣未并。五臟安定。肌肉蠕動。命曰微風。帝曰。補瀉奈何。岐伯曰。形有餘則瀉其陽經。不足則補其陽絡。

帝曰刺微奈何岐伯曰取分肉間無中其經無傷其絡衛氣得復邪氣乃去帝曰志有餘不足奈何岐伯曰志有餘則腹脹飧泄不足則厥血氣未并五臟安定骨節有動帝曰補瀉奈何岐伯曰志有餘則瀉然骨之前出血不足則補其復溜帝曰刺未并奈何岐伯曰即取之無中其經邪乃立虛○血清氣滑疾瀉之則氣易竭血濁氣濇疾瀉之則經可通

難經補瀉

經言虛者補之。實者瀉之。不虛不實。以經取之。何謂也。然。虛者補其母。實者瀉其子。當先補之。然後瀉之。不虛不實。以經取之者。是正經自生病。不中他邪也。當自取其經。故言以經取之。

經言春夏刺淺。秋冬刺深者。何謂也。然。春夏者。陽氣在上。人氣亦在上。故當淺取之。秋冬者。陽氣在下。人氣亦在下。故當深取之。

春夏各致一陰。秋冬各致一陽者。何謂也。然。春夏溫。必致一陰者。初下針。沉之至腎肝之部。得氣引持之。陰也。秋冬

寒必致一陽者。初內針淺而浮之。至心肺之部。得氣推內之陽也。是謂春夏必致一陰。秋冬必致一陽。

經言刺榮無傷衛。刺衛無傷榮。何謂也。然刺陽者。臥針而刺之。刺陰者。先以左手攝按所針榮俞之處。氣散乃內針。是謂刺榮無傷衛。刺衛無傷榮也。

經言能知迎隨之氣。可令調之。調氣之方。必在陰陽。何謂也。然所謂迎隨者。知榮衛之流行。經脉之往來。隨其逆順而取之。故曰迎隨。調氣之方。必在陰陽者。知其內外表裡。隨其陰陽而調之。故曰調氣之方。必在陰陽。

諸井者。肌肉淺薄。氣少。不足使也。刺之奈何。然諸井者。木

也。榮者火也。火者木之子。當剋非者。以榮瀉之。故經言補者。不可以為瀉。瀉者。不可以為補。此之謂也。

經言東方實。西方虛。瀉南方。補北方。何謂也。然金木水火土當更相平。東方木也。西方金也。木欲實。金當平之。火欲實。水當平之。土欲實。木當平之。金欲實。火當平之。水欲實。土當平之。東方肝也。則知肝實。西方肺也。則知肺虛。瀉南方火。補北方水。火者木之子也。北方水。水者木之母也。水勝火。丁能令母實。母能令子虛。故瀉火補水。欲令金不得平木也。經曰。不能治其虛。何問其餘。此之謂也。金不得平木。寸疑衍。謂瀉火以抑木。補水以濟金。欲令金

得平木。二瀉火補水。而旁治之。不得徑以金平木。

補水瀉火之圖

瀉火

補水


補水

北補

火者木之子。子能令母實。謂子有餘。則不食於母。今瀉南方者。奪子之氣。使之食其母也。金者水之母。母能令子虛。謂母不足。則不能蔭其子。今補北方者。益子之氣。則不至食其母也。此與八十一難義正相發。其曰不能治其虛。安問其餘。則隱然實實虛虛之意也。

經言上工治未病。中工治已病。何謂也。然所謂治未病者。見肝之病。則知肝當傳之於脾。故先實其脾氣。無令得受肝之邪。故曰治未病焉。中工見肝之病。不曉相傳。但一心治肝。故曰治已病也。

五臟傳病之圖



心病傳肺。肺傳肝。肝傳脾。脾傳腎。腎傳心。心復傳肺。七傳者死。謂傳其所勝也。

○心病傳脾。脾傳肺。肺傳腎。腎傳肝。肝傳心。間臟者生。謂傳其子也。

何謂補瀉。當補之時。何所取氣。當瀉之時。何所置氣。然當補之時。從衛取氣。當瀉之時。從榮置氣。其陽氣不足。陰氣有餘。當先補其陽。而後瀉其陰。陰氣不足。陽氣有餘。當先補其陰。而後瀉其陽。榮衛通行。此其要也。

針有補瀉。何謂也。然補瀉之法。非必呼吸出入針也。知為針者。信其左。不知為針者。信其右。當刺之時。先以左手壓按所針榮俞之處。彈而努之。爪而下之。其氣之來。如動脉之狀。順針而刺之。得氣推而內之。是謂補。動而伸之。是謂瀉。不得氣。乃與男外女內。不得氣。是謂十死不治也。

信其左。謂善針者。信用左手。不知針法者。自左手起也。

經言迎而奪之惡得無虛隨而濟之惡得無實虛之與實
若得若失實之與虛若有若無何謂也然迎而奪之者瀉
其子也隨而濟之者補其母也假令心病瀉手心主俞是
謂迎而奪之者也補手心主井是謂隨而濟之者也所謂
實之與虛者牢滿之意也氣來實牢者為得滿虛者為失
故曰若得若失也

經言有見如入有見如出者何謂也然所謂有見如入者
謂左手見氣來至乃內針針入見氣盡乃出針是謂有見
如入有見如出也

經言無實實虛虛損不足而益有餘是寸口脉耶將病自

有虛實耶。其損益奈何。然。是病非謂寸口脉也。謂
虛實也。假令肝實而肺虛。肝者木也。肺者金也。金木當更
相平。當知金平木。假令肺實而肝虛。微少氣。用針不補其
肝。而反重實其肺。故曰實實虛虛。損不足而益有餘。此者
中工之所害也。

神應經補瀉

瀉訣直說

宏綱陳氏曰。取穴既正。左手大指掐其穴。右手置鍼於穴上。令患人咳嗽一聲。隨咳內針至分寸。候數穴針畢。停少時。用右手大指及食指持針。細細動搖。進退搓捻。其針如手顫之狀。謂之催氣。約行五六次。覺針下氣緊。却用瀉法。如針左邊。用右手大指食指持針。以大指向前。食指向後。以針頭輕提。往左轉。如有數針。俱依此法。俱轉畢。仍用右手大指食指持針。却用食指連搓三下。謂之飛。仍輕提。往左轉。畧退針半分許。謂之三飛。一退。依此法行至五六次。

覺針下沉緊。是氣至極矣。再輕提。往左轉一二次。如針右邊。以左手大指食指持針。以大指向前。食指向後。依前法連搓三下。輕提針頭。向右轉。是針右邊瀉法。欲出針時。令病人咳嗽一聲。隨咳出針。此之謂瀉法也。

補訣直說

凡人有疾。皆邪氣所湊。雖病人瘦弱。不可專行補法。經曰。邪之所湊。其氣必虛。如患赤目等疾。明見其為邪熱所致。可專行瀉法。其餘諸疾。只宜平補。平瀉。須先瀉後補。謂之先瀉邪氣。後補真氣。此乃先師不傳之秘訣也。如人有疾。依前用手法。催氣取氣。瀉之既畢。却行補法。令病人吸氣。

一口。隨吸轉針。如針左邊。捻針頭轉向右邊。以我之右手大指食指持針。以食指向前。大指向後。仍捻針深入一二分。使真氣深入肌肉之分。如針右邊。捻針頭轉向左邊。以我之左手大指食指持針。以食指向前。大指向後。仍捻針深入一二分。如有數穴。依此法行之。既畢。停少時。却用手指於針頭上。輕摩三下。如此三次。仍用我左手大指食指持針。以大指連擦三下。謂之飛。將針深進一二分。以針頭向左邊。謂之一進三飛。依此法行至五六次。覺針下沉緊。或針下氣。就是氣至足矣。令病人吸氣一口。隨吸出針。急以手按其穴。此謂之補法也。

凡針背腹兩邊穴。分陰陽經補瀉。針男子背上中行。左轉為補。右轉為瀉。腹上中行。右轉為補。左轉為瀉。女人背中行。右轉為補。左轉為瀉。腹中行。左轉為補。右轉為瀉。蓋男子背陽腹陰。女子背陰腹陽。故也。

南豐李氏補瀉

圖註難經云。手三陽從手至頭。針芒從外往上為隨。針芒從內往下為迎。足三陽從頭至足。針芒從內往下為隨。針芒從外往上為迎。足三陰從足至腹。針芒從外往上為隨。針芒從內往下為迎。隨針芒從外往上為迎。大要以子午為主。左為陽。從子至午。左行為陽。主進。陰主退。右為陰。從午至子。右行為陰。主退。陰主進。左手陽經為陽中之陽。左手陰經為陽中之陰。右手陽經為陰中之陽。右手陰經為陰中之陰。右足陽經為陰中之陽。左足陰經為陽中之陰。左足

陽經為陰中之陽。今細分之病者。左手陽經。以醫者右手

大指進前。退後呼之為隨。午後又以大指退後為隨。進前即經之從外。退後即經之從內。

退後吸之為迎。病者左手陰經。以醫者右手大指退後吸

之為隨。進前呼之為迎。病者右手陽經。以醫者右手大指

退後吸之為隨。進前呼之為迎。病人右手陰經。以醫者右

手大指進前呼之為隨。退後吸之為迎。病者右足陽經。以

醫者右手大指進前呼之為隨。退後吸之為迎。病者右足

陰經。以醫者右手大指退後吸之為隨。進前呼之為迎。病

者左足陽經。以醫者右手大指退後吸之為隨。進前呼之

為迎。病者左足陰經。以醫者右手大指進前呼之為隨。退

後吸為之迎。男子午前皆然。午後與女人反之。

手上陽進陰退。足上陽退陰進。令六經起止故也。凡針起穴針芒向上。氣順行之道。凡針止穴針芒向下。氣所止之處。左外右內。令氣上行。右外左內。令氣下行。或問午前補瀉與午後相反。男子補瀉與女人相反。蓋以男子之氣早在上而晚在下。女人之氣早在下而晚在上。男女上下平腰分之故也。至于呼吸。男女人我皆同。何亦有陰陽之分耶。蓋有自然之呼吸。有使然之呼吸。入針出針。使然之呼吸也。轉針如待貴人。如握虎尾。候其自然呼吸。若左手足候其呼而先轉。則右手足必候其

吸而後轉之。若右手足候其吸而先轉。則左手足必候其呼而後轉之。真陰陽一升一降之消息也。故男子陽經午前以呼為補。吸為瀉。陰經以吸為補。呼為瀉。午後反之。女人陽經午前以吸為補。呼為瀉。陰經以呼為補。吸為瀉。午後亦反之。或者又曰。補瀉必資呼吸。假令尸厥中風。不能使之呼吸者。奈何。曰。候其自然之呼吸。而轉針。若當吸不轉。令人以手掩其口鼻。鼓動其氣可也。噫。補瀉提插。分男女早晚。其理深微。原為奇經不拘十二經常度。故參互錯綜如是。若流注穴。但分左右陰陽可也。嘗愛雪心歌云。如何補瀉有兩般。蓋是經從兩邊

發。古人補瀉左右分。今人乃為男女別。男女經脈一般。生晝夜循環無暫歇。此訣出自梓桑君。我今授汝心已雪。此子午兼八法而後全也。

然補瀉之法。非必呼吸出內針也。有以淺深言者。經言春夏宜淺。秋冬宜深。

有以榮衛言者。經言從衛取氣。從榮置氣。

補則從衛取氣。宜輕淺而針。從其衛氣隨之于後而濟。益其虛也。瀉則從榮置其氣。宜重深而刺。取其榮氣迎之于前而瀉奪其實也。然補之不可使太實。瀉之不可使反虛。皆欲以平為期耳。又男子輕按其穴而淺刺。

之以候衛氣之分。女子重按其穴而深刺之。以候榮氣之分。

有以虛實言者。經言虛則補其母。實則瀉其子。此迎隨之槩也。

凡針逆而迎奪。即瀉其子也。如心之熱病。必瀉于脾胃之分。針順而隨濟。即補其母也。如心之虛病。必補于肝胆之分。

飛經走氣亦不外于子午迎隨。

凡言九者。即子陽也。六者即午陰也。但九六數有多少不同。補瀉提插皆然。言初九數者。即一九也。少停又行。

一九少停又行一九三次共二十七數或四九三十六數言少陽數者七七四十九數亦每次七數略停老陽數者九九八十一數每次二十七數少停共行三次言初六數者即一六也少停又行一六少停又行一六三次共一十八數言少陰數者六六三十六數每次一十八數略停再行一次言老陰數者八八六十四數每次八數略停或云子後宜九數補陽午後宜六數補陰陰日刺陽經多用六數補陰陽日刺陰經多用九數補陽此正理也但見熱症即瀉見冷症即補權也活法也經言知為針者信其左不知為針者信其右當刺之時

先將同身寸法比穴。以墨點記。後令患人飲食端坐。或
偃卧。緩病必待天氣溫晴。則氣易行。急病如遇大雷雨。
亦不敢針。夜晚非急病。亦不敢針。若空心立針。必暈。
必先以左手壓按所針榮俞之處。

陽穴以骨側陷處按之。痠麻者為真。陰穴按之有動脈。
應手者為真。

切而散之。爪而下之。

切者。以手爪指按其所針之穴。上下四旁。令氣血散。爪
者。先以左手大指爪重掐穴上。亦令氣血散耳。然後用
右手鹽指頂住針尾。以中指大指緊執針腰。以無名指

略扶針頭。却令患人咳嗽一声。随咳下針。刺入皮内。撒手停針十息。號曰天才。少時再進針。刺入肉内。停針十息。號曰人才。少時再進針。至筋骨之間。停針十息。號曰地才。此為極處。再停良久。却令患人吸氣一口。随吸退至人部。審其氣至未。如針下沉重緊滿者。為氣已至。若患人覺痛。則為實。覺痠則為虛。如針下輕浮虛活者。氣猶未至。用後彈努循捫引之。引之氣猶不至。針如挿豆腐者。死。凡除寒熱病。宜于天部行氣。經絡病。宜于人部行氣。麻痺疼痛。宜于地部行氣。彈而努之。捫而循之。

彈者補也。以大指與次指爪相交而疊。病在上。大指爪輕彈向上。病在下。次指爪輕彈向下。使氣速行。則氣易至也。○努者。以大指次指撚針。連搓三下。如手顫之狀。謂之飛。補者入針。飛之。令患人閉氣一口。着力努之。瀉者提針。飛之。令患人呼之。不必着力。一法二用。氣自至者。不必用此彈努。○捫者。摩也。如痛處未除。即於痛處捫摩。使痛散也。復以飛針引之。除其痛也。又起針之時。以手按其穴。亦曰捫。○循者。用手於所針部分。隨經絡上下。循按之。使氣往來。推之則行。引之則至是也。動而伸之。推而按之。

動者轉動也。推者推轉也。凡轉針太急則痛，太慢則不
去疾。所謂推動，即分陰陽左轉右轉之法也。伸者提也。
按者插也。如補瀉不覺氣行，將針提起空如豆許，或再
彈二三下以補之。緊戰者，連用飛法三下。如覺針下緊
滿，其氣易行，即用通法。若邪盛氣滯，却用提插。先去病
邪，而後通其真氣。提者自地部提至人部，天部插者自
天部插至人部，地部病輕提插初九數，病重者或少陽
數，老陽數愈多愈好。或問治病全在提插，既云急提慢
按如冰冷，慢提急按火燒身。又云男子午前提針為熱，
插針為寒。午後提針為寒，插針為熱。女人反之。其故何

耶。蓋提插補瀉無非順陰陽也。午前順陽性提至天部則熱。午後順陰性插至地部則熱。奇效良方有詩最明。○補瀉提插活法。凡補針先淺入而後深入。瀉針先深入而後淺。凡提插急提慢按如冰冷瀉也。慢提急按如火燒身。補也。或先提插而後補瀉。或先補瀉而後提插。可也。或補瀉提插同用亦可也。如治○久患癱瘓頑麻冷痺遍身走痛及癩風寒瘡一切冷症。先淺入針而後漸深入針。俱補老陽數。氣行針下緊滿。其身覺熱。帶補慢提急按老陽數。或三九而二十七數。即用通法。扳倒針頭令患人吸氣五口。使氣上行。陽回陰退。名曰進氣法。

又曰燒山火。○治風痰癱。盛中風喉風癰狂瘡。夫單熱一切熱症。先深入針而後漸淺退針。俱瀉少陰數得氣。覺涼帶瀉急提慢按初六數。或三六一十八數。再瀉再提。即用通法。徐徐提之。病除乃止。名曰透天涼。○治瘡疾。先寒後熱。一切上盛下虛等症。先淺入針。行四九三十六數。氣行覺熱。深入行三六一十八數。如瘡疾先熱後寒。一切半虛半實等症。先深入針。行六陰數。氣行覺涼。漸退針。行九陽數。此龍虎交戰法。俾陽中有陰。陰中有陽也。蓋邪氣常隨正氣而行。不交戰則邪不退而正不勝。其病復起。○治瘰癧癥瘕氣塊。先針入七分行老。

陽數氣行便深入一寸微伸提之却退至原處不得氣
依前法再施名曰留氣法○治水蟲膈氣脹滿落穴之
後補瀉調氣均勻針行上下九入六出左右轉之千遭
自平名曰子午搗臼○治損逆赤眼癰腫初起先以大
指進前撚入左後以大指退後撚入右一左一右三九
二十七數得氣向前推轉內入以大指彈其針尾引其
陽氣按而提之其氣自行未應再施此龍虎交騰法也
○雜病單針一穴即於得氣後行之起針際行之亦可
通而取之。

通者通其氣也提插之後用之如病人左手陽經以醫

者右手大指進前九數却扳倒針頭帶補以大指努力。針嘴朝向病處或上或下或左或右執住直待病人覺熱方停。若氣又不通以龍虎龜鳳飛經接氣之法驅而運之。如病人左手陰經以醫者右手大指退後九數却扳倒針頭帶補以大指努力。針嘴朝病執住直待病人覺熱方停。右手陽經與左手陰經同法。右手陰經與左手陽經同法。左足陽經與右手陽經同法。左足陰經與右手陰經同法。右足陽經與左手陽經同法。右足陰經與左手陰經同法。如退潮每一次先補六後瀉九不拘次數。直待潮退為度。止痛同此法。痺麻虛補。疼痛實瀉。

此皆先正推行內經通氣之法。更有取氣關氣接氣之法。○取者左取右。右取左。手取足。足取頭。頭取手足。三陽胸腹取手足。三陰以不病者為主。病者為應。如兩手蹇攣。則以兩足為應。兩足蹇攣。則以兩手為應。先下主針。後下應針。主針氣已行。而後針應針。左邊左手。左足同手法。右邊亦然。先關氣接氣。而後取氣。手補足瀉。足補手瀉。如搓索然。又患偏枯。蹇攣甚者。必用此法。干提插之後。徐氏曰。通氣接氣之法。已有定息寸數。手足三陽上九而下十四。過經四寸。手足三陰上七而下十二。過經五寸。在乎搖動出納呼吸同法。上下通接。立時見

功所謂定息寸數者。手三陰經從胸走手。長三尺五寸。手三陽經從手走頭。長五尺。足三陽經從頭走足。長八尺。足三陰經從足走腹。長六尺五寸。陰陽兩蹻從足走目。長七尺五寸。督脉長四尺五寸。任脉長四尺五寸。人一呼氣行三寸。一吸氣行三寸。一呼一吸謂之一息。針下隨其經脉長短以息計之。取其氣到病所為度。○一曰青龍擺尾。以兩指扳倒針頭朝病。如扶舡舵。執之不轉。一左一右。慢慢撥動九數。或三九二十七數。其氣遍舡交流。○二曰白虎搖頭。以兩指扶起針尾。以肉內針頭輕轉。如下水舡中之舡。振搖六數。或三六一十八數。

如欲氣前行。按之在後。欲氣後行。按之在前。二法輕病
亦可行之。擺動血氣。蓋龍為氣。虎為血。陽日先行龍而
後虎。陰日先行虎而後龍。○三曰蒼龜探穴。以兩指板
倒針頭。一退三進。向上鑽剔一下。向下鑽剔一下。向左
鑽剔一下。向右鑽剔一下。先上而下。自左而右。如入土
之象。○四曰赤鳳迎源。以兩指扶起針。插入地部。復提
至天部。候針自搖。復進至人部。上下左右。四圍飛旋。如
展翅之狀。病在上。吸而退之。病在下。呼而進之。又將大
指爪。從針尾刮至針腰。此刮法也。能移不忍痛。可散積
年風。午後又從針腰刮至針尾。又云病在上。刮向上。病

在下刮向下。有攣急者。頻宜刮切。循攝二法。須連行三五次。氣血各循經絡。飛走之妙。全在此處。病邪從此退矣。放針停半時辰久。扶起針頭。審看針下十分沉緊。則瀉九補六。如不甚緊。則瀉六補九。補瀉後針活。即搖而出之。○攝者用大指隨經絡上下切之。其氣自得通行。搖而出之外。引其門以閉其神。

搖者退也。以兩指拈針尾。向上下左右。各搖振五七下。提二七下。能散諸風。出針直待微鬆。方可出針。豆許如病邪吸針。正氣未復。再須補瀉停待。如再難。頻加刮切。刮後連瀉三下。次用搜法。不論數橫搜。如龍虎交騰。一

左一右。但手更快耳。直搜一上一下。如撚法而不轉。瀉刮同前。次用盤法。左轉九次。右轉六次。瀉刮同前。次用子午撚白。子後慢提。午後略快些。緩緩提插。搖出應針。次出主針。補者吸之。急出其針。便以左手大指按其針穴。及穴外之皮。令針穴門戶不開。神氣內守。亦不致出血也。瀉者呼之。慢出其針。勿令氣泄。不用按穴。凡針起速。及針不停久。待暮者。其病即復。○一凡針暈者。神氣虛也。不可起針。急以別針補之。用袖掩病人。口鼻回氣。內與熱湯飲之。即甦。良久再針。甚者針手膊上側筋骨陷中。即蝦蟇肉上惺惺穴。或足三里穴。即甦。若起針壞。

人○二凡針痛者。是手粗。宜以左手扶住針腰。右手從容補瀉。如又痛者。不可起針。令病人吸氣一口。隨吸將針撚活。伸起一寸。即不痛。如伸起又痛。再伸起又痛。須索入針。便住痛。○三凡斷針者。再將原針穴邊復下一針。補之即出。或用磁石引針出。或用藥塗之。

嗟夫神針肇自上古。在昔岐伯已嘆失其傳矣。况後世乎。尚賴竇徐二氏能因遺文以究其意。俾來學有所悟而識其梗槩。括為四段。聊為初學開闢救危之用。尚期四方智者裁之。

此補瀉一段。其雜病穴法一段。見三卷。十四經穴歌一段。見六卷。治病要穴一段。見七卷。

補瀉一段。乃廬陵歐陽之後所授。與今時師不同。但考

素問不曰針法而曰針道言針當順氣血往來之道也
又曰凡刺者必別陰陽再考難經圖註及徐氏云左與
右不同胸與背有異然後知其源流有自蓋左為陽為
升為呼為出為提為午前為男子之背右為陰為降為
吸為入為插為午後為男子之腹所以女人反此者女
屬陰男屬陽女人背陰腹陽男子背陽腹陰天地男女
陰陽之妙自然如此

四明高氏補瀉

素問補腎俞註云用圓利針臨刺時呪曰五帝上真六甲玄靈氣符至陰百邪閉理念三遍先刺二分留六呼次入針至三分動氣至而徐徐出針以手捫之令患者咽氣三次又可定神魂瀉脾俞註云欲下針時呪曰帝扶天形護命成靈誦三遍刺三分留七呼動氣至而急出針

按呪法非素問意但針工念呪則一心在針

按萃云瀉法先以左手揣按得穴以右手置針于穴上令病人咳嗽一聲撚針入腠理令病人吸氣一口針至六分覺針沉澁復退至三分再覺沉澁更退針一豆許仰手轉

針頭向病所。以手循經絡。捫循至病所。以合手迴針。引氣直過針所三寸。隨呼徐徐出針。勿閉其穴。命之曰瀉。

○補法。先以左手揣按得穴。以右手置針于穴上。令病人咳嗽一聲。撚針入腠理。令病人呼氣一口。納針至八分。覺針沉緊。復退一分。更覺沉緊。仰手轉針頭向病所。依前循捫其病所。氣至病已。隨吸而走出針。速按其穴。命之曰補。

○明堂註云。寒熱補瀉。假令補冷。先令病人咳嗽一聲。得入腠理。復令吹氣一口。隨吹下針至六七分。漸進腎肝之部。停針徐徐良久。復退針一豆許。乃撚針問病人覺熱否。然後針至三四分。及心肺之部。又令病人吸氣。先內撚針。

使氣下行至病所。却外撚針。使氣上行。直過所針穴一二寸。乃吸而外撚針出。以手速按其穴。此為補。○病熱者。治之以寒。何如。須其寒者。先刺入陽之分。候得氣。推內至陰之分。後令病人地氣入而天氣出。謹按生成之息數。足其病人自覺清涼矣。○病惡寒者。治之以熱。何如。須其熱者。先刺入陰之分。候得氣。徐引針至陽之分。後令病人天氣入而地氣出。亦謹按生成之息數。足其病人自覺和煖矣。

呼吸

素問註云。按經之旨。先補真氣。乃瀉其邪也。何以言之。補法呼則內針。靜以久留。瀉法吸則內針。又靜以久留。然呼

則次其吸。吸則不兼呼。內針之候既同。久留之理復一。先補之義昭然可知。○按萃云。呼不過三。吸不過五。○明堂云。當補之時。候氣至病所。更用生成之息數。令病人鼻中吸氣。口中呼氣。內自覺熱矣。當瀉之時。使氣至病所。更用生成之息數。令病人鼻中出氣。口中吸氣。按所病臟腑之處。內自覺清涼矣。

神針八法

心無內慕。如待貴賓。心為神也。醫者之心。病者之心。與針相隨上下。先慮針損。次將針尖含在口內。而令其溫。又以左手按摩受疾之穴。如握虎之狀。右手撚針。如持

無力之乃是用針之一法也。左撚九而右撚六。此乃佳痛之二法也。進針之時。令病人咳嗽。而針進。進針之三法也。針沉良久。待內不脹。氣不行。照前施之。如氣來。裏針不下。乃實也。宜左撚而瀉。其實如不散。令病人呼氣三口。醫者用手抓針。自散如針進。無滯無脹。乃氣虛也。令病人吸氣。針宜右撚而補。其虛此補瀉之四法也。其瀉者。有鳳凰展翅。用右手大指食指撚針頭。如飛騰之象。一撚一放。此瀉之五法也。其補者。有餓馬搖鈴。用右手大指食指撚針頭。如餓馬無力之狀。緩緩前進。則長後退。則短。此補之六法也。如病人暈針。用袖掩之。熱湯

飲之即醒補之七法也。如針至深處而進不能退不能。其皮上四圍起皺紋。其針如生在内。此氣實之極也。有蒼蠅螫咬之狀。四圍飛延。用右手食指向皺紋皮處離針不遠。四圍前進三下。後退其一。乃瀉之八法也。出針時。即捫其穴。此補之要訣。

三衢楊氏補瀉十二字分次第手法及歌。

一爪切者。凡下針。用左手大指爪甲重切其針之穴。令氣血宣散。然後下針。不傷於榮衛也。○取穴。先將爪切深。須教母外慕其心。致令榮衛無傷。礙醫者方堪入妙針。二指持者。凡下針。以右手持針於穴上。着力旋插。直至腠理。吸氣三口。提於天部。依前口氣徐徐而用。正謂持針者。手如握虎。勢如擒龍。心無他慕。若待貴人之說也。○持針之士。要心雄。勢如握虎。與擒龍。欲識機關三部奧。須將此理再推窮。

三口溫者。凡下針。入口中。必須溫熱。方可與刺。使血氣調。

和冷熱不相爭鬪也。○溫針一理最為良。口內調和納穴場。毋令冷熱相爭搏。榮衛宣通始得祥。

四進針者。凡下針要病人神氣定息數勻。醫者亦如之。切不可太忙。又須審穴在何部分。如在陽部。必取筋骨之間陷下為真。如在陰分。郄脈之內動脈相應。以爪重切經絡。少待方可下手。○進針理法取關機失經失穴。豈堪施陽經取陷陰經脈。三思已定再思之。

五指循者。凡下針若氣不至。用指於所屬部分。經絡之路。上下左右循之。使氣血往來。上下均勻。針下自然氣至沉緊。得氣即瀉之故也。○循其部分理何明。只為針頭

不緊沉。推則行之。引則止。調和血氣兩來臨。

六爪攝者。凡下針。如針下邪氣滯澀不行者。隨經絡上下。用大指爪甲切之。其氣自通行也。○攝法應知氣滯經。須令爪切勿交輕。上下通行隨經絡。故教學者要窮精。七針退者。凡退針。必在六陰之數分明。三部之用斟酌。不可不誠心着意。滯亂差訛。以瀉為補。以補為瀉。欲退之際。一部一部。以針緩緩而退也。○退針手法理誰知。三才訣內總玄機。一部六陰三氣吸。須臾疾病愈如飛。八指搓者。凡轉針如搓線之狀。勿轉太緊。隨其氣而用之。若轉太緊。令人肉纏針。則有大痛之患。若氣滯澀。即以

第六攝法切之方可施也。○搓針泄氣最為奇。氣至針纏莫急移。渾如搓線攸攸轉急轉纏針肉不離。

九指撚者。凡下針之際。治上大指向外撚。治下大指向內撚。外撚者。令氣向上而治病。內撚者。令氣至下而治病。如出至人部。內撚者。為之補轉。針頭向病所。令取真氣。以至病所。如出至人部。外撚者。為之瀉轉。針頭向病所。令使邪氣退至針下出也。此乃針中之秘旨也。○撚針指法不相同。一般在手兩般窮。內外轉移行上下。邪氣逢之疾豈容。

十指留者。如出針至於天部之際。須在皮膚之間留一豆。

許少時方出針也。○留針取氣候沉浮。出容一豆入容
侔。致令榮衛縱橫散巧。玄機在指頭。

十一針搖者。凡出針三部欲瀉之際。每一部搖一次。計六
搖而已。以指捻針如扶人頭搖之狀。庶使孔穴開大也。
○搖針三部六搖之。依次推排指上施孔穴。大開無窒
礙。致令邪氣出如飛。

十二指拔者。凡持針欲出之時。待針下氣緩不沉緊。便覺
輕滑。用指捻針如拔虎尾之狀也。○拔針一法最為良。
浮沉瀉滑任推詳。勢猶取虎身中尾。此訣誰知蘊錦囊。
○總歌曰。針法玄機口訣多。手法雖多亦不過。切穴持針

溫口內進針循攝退針搓指撚瀉氣針留豆搖令穴大拔
如梭醫師穴法叮嚀說記此便為十二歌。

口訣 燒山火○能除寒三進一退熱湧湧鼻吸氣一口。
呵五口○燒山之火能除寒一退三飛病自安始是五
分終一寸三番出入慢提看○凡用針之時須撚運入
五分之一中行九陽之數其一寸者即先淺後深也若得
氣便行運針之道運者男左女右漸漸運入一寸之內
三出三入慢慢緊按若覺針頭沉緊其針插之時熱氣
復生冷氣自除未效依前再施也○四肢似水最難禁
增寒不住便來臨醫師運起燒山火患人時下得安寧。

口訣 透天涼○能除熱三退一進冷水米口吸氣一口。

鼻出五口○凡用針時進一寸內行六陰之數其五分之者即先深後淺也若得氣便退而伸之退至五分之一中三入三出緊提慢慢覺針頭沉緊徐徐舉之則涼氣自生。病自除如不效依前法再施○一身渾似火來燒不住之時熱上潮若能加入清涼法須更熱毒自然消口訣 陽中隱陰○能治先寒後熱淺而深○陽中隱箇陰元寒後熱人五分陽九數一寸六陰行○凡用針之時先運入五分乃行九陽之數如覺微熱便運一寸之內即行六陰之數以得氣此乃陽中隱陰可治先寒後

熱之症。先補後瀉也。○先寒後熱。身如癰。醫師不曉實和。叮嚀針要。陰陽刺祛。除寒熱。免災惡。

口訣

陰中隱陽。○能治先熱後寒。深而淺。○凡用針之

時

先運一寸。乃行六陰之數。如覺病微涼。即退至五分

之

中。却行九陽之數。以得氣。此乃陰中隱陽。可治先熱

後

寒之症。先瀉後補也。○先熱後寒。如瘡疾。先陰後陽

號

通天針。師運起雲雨澤。榮衛調和。病自痊。○補者直

須

熱至。瀉者直待寒侵。猶如蠶線。慢慢轉針。法在淺則

當

淺。法在深則當深。二者不可兼而紊亂也。

口訣

留氣法。○能破氣。伸九提六。○留氣運針。先七分。

純陰得氣十分深伸時用九提時六。癥瘕消溶氣塊勻。
○凡用針之時先運入七分之一中。行純陽之數。若得氣。
便深刺一寸中。微伸提之。却退至原處。若未得氣。依前。
法再行。可治癥瘕氣塊之疾。○瘕癖癥瘕疾宜休。却在。
醫師志意求指頭手法為留氣身除疾痛再無憂。

口訣 運氣法○能瀉先直後臥○運氣用純陰氣來便。
倒針。令人吸五口。疼痛病除根。○凡用針之時。先行純。
陰之數。若覺針下氣滿便倒其針。令患者吸氣五口。使。
針力至病所。此乃運氣之法。可治疼痛之病。○運氣行。
針好用工。遍身疼痛忽無蹤。此法密傳堪濟世。論金宜。

值萬千鍾。

口訣 提氣法○提氣從陰微燃提冷麻之症一時除○凡用針之時先從陰數以覺氣至微燃輕提其針使針下經絡氣聚可治冷麻之症○提氣從陰六數同堪除頑痺有奇功欲知奧妙先師訣取次機關一掌中。

口訣 中氣法○能除積先直後臥瀉之○凡用針之時先行運氣之法或陽或陰便臥其針向外至痛疼立起其針不與內氣回也○中氣須知運氣同一般造化兩般功手中運氣丁寧使妙理玄機起疲癆○若關節阻滯氣不通者以龍虎失段之法通經接氣驅而運之仍

以循攝切摩。無不應矣。又按捫摩屈伸。導引之法而行。
口訣 蒼龍擺尾手法○補○蒼龍擺尾行關節。回撥將
針慢慢扶。一似江中舡上舵。週身遍體氣流普。○或用
補法而就得氣。則純補。補法而未得氣。則用瀉。此亦人
之活變也。○凡欲下針之時。飛氣至關節去處。便使回
撥者。將針慢慢扶之。如舡之舵。左右隨其氣而撥之。其
氣自然交感。左右慢慢撥動。週身遍體。奪流不失其所
矣。○蒼龍擺尾氣交流。氣血奪來遍體週。任君體有千
般症。一插須交疾病休。

口訣 赤鳳搖頭手法○瀉○凡下針得氣如要使之上。

須關其下。要下須關其上。連連進針。從辰至巳。退針從巳至午。撥左而左點。撥右而右點。其實只在左右動。似手搖鈴。退方進圓。兼之左右搖而振之。○針似舡中之櫓。猶如赤鳳搖頭。辨別迎隨逆順。不可違理胡求。

口訣 龍虎交戰手法○三部俱一補一瀉○龍虎交爭戰。虎龍左右施。陰陽互相隱。九六住終時。○凡用針時。先行左龍。則左撚。凡得九數陽奇零也。却行右虎。則右撚。凡得六數陰偶對也。乃先龍後虎而戰之。以得氣補之。故陽中隱陰。陰中隱陽。左撚九而右撚六。是亦住痛之針。乃得返復之道。號曰龍虎交戰。以得邪盡。方知其

所此乃進退陰陽也。○青龍左轉九陽宮。白虎右旋六陰通。返復玄機。隨法取消息。陰陽九六中。

口訣 龍虎升降手法。○凡用針之法。先以右手大指向前。燃之入穴。後以左手大指向前。燃經絡得氣行。轉其針。向左向右。引起陽氣。按而提之。其氣自行。如氣未滿。更依前法再施。○龍虎升騰。燃妙法。氣行上下。合交遷。依師口訣分明說。目下文君疾病痊。

口訣 五臟交經。○五臟交經。須氣溢。候他氣血散宣時。蒼龍擺尾。東西撥。定穴五行。君記之。○凡下針之時。氣行至溢。須要候氣血宣散。乃施蒼龍左右撥之可也。○

五行定穴分經絡。如船解纜自通亨。必在針頭分造化。須交氣血自縱橫。

口訣 通關交經○通關交經。蒼龍擺尾。赤鳳搖頭。補瀉得理。○先用蒼龍擺尾。後用赤鳳搖頭。運入關節之中。後以補則用補中手法。瀉則用瀉中手法。使氣於其經便交。○先用蒼龍來擺尾。後用赤鳳以搖頭。再行上下八指法。關節宣通。氣自流。

口訣 膈角交經○膈角交經。相剋相生。○凡用針之時。欲得氣相生相剋者。或先補後瀉。或先瀉後補。隨其疾之虛實。病之寒熱。其邪氣自瀉除。真氣自補生。○膈角

要相生。水火在君。能有症。宜在取。無病手中行。仰臥須停隱。法得氣調均。飛經療入角。便是一提金。

口訣 關節交經。○關節交經。氣至關節。立起針來。施中氣法。○凡下針之時。走氣至關節去處。立起針。與施中氣法納之可也。○關節交經莫大功。必令氣走納經中。手法運之三五度。須知其氣自然通。

口訣 子午補瀉總歌。○補則須彈針。爪甲切宜輕。瀉時甚切忌。休交疾再侵。○凡用針者。若刺針時。先用口溫針。次用左手壓穴。其下針之處。彈而努之。爪而下之。捫而循之。通而取之。却令病人咳嗽一聲。右手持針而刺。

之春夏二十四息。秋冬三十六息。徐出徐入。氣來如動。脉之狀。針下微緊。留待氣至。後宜用補瀉之法。若前也。○動與搖一例。其中不一般。動為補之氣。搖之瀉。即安。口訣。子午搗臼法。○水蟲膈氣。○子午搗臼。土下針。行九入六出。左右不停。○且如下針之時。調氣得均。以針行上下。九入六出。左右轉之不已。必按陰陽之道。其症即愈。○子午搗臼。是神機。九入六出。會者稀。萬病自然合大數。要交患者。笑嘻嘻。

口訣。子午前後交經換氣歌。○子後要知寒與熱。左轉為補。右為瀉。提針為熱。插針寒。女人反此。要分別。午後

要知寒與熱。右轉為補。左為瀉。順則為左。逆為右。此是神仙真妙訣。

口訣 子午補瀉歌○每日午前皮上搗。有似滾湯煎冷。雪若要寒時。皮內尋。不枉交君皮破裂。陰陽返復怎生知。虛實辨別臨時訣。針頭如弩似發機。等閑休與非人說。

口訣 子午傾針○子午傾針要識。脉經病在何臟。補瀉法行。○凡欲下針之時。先取六指之訣。須知經絡病在何臟。用針依前補瀉。出入內外。如有不應者。何也。答曰。一日之內。有陰有陽。有陽中隱陰。有陰中隱陽。有日為

陽夜為陰子一刻一陽生午一刻一陰生從子至午故
日子午之法也。○左轉為男補之氣右轉却為瀉之記
女人返此不為真此是陰陽補瀉義熱病不瘥瀉之須
冷病纏身補是奇哮喘氣來為補瀉氣不至時莫急施
補隨其經脉納而按之左手閉針穴徐出針而疾按之
瀉迎其經脉動而伸之左手開針穴疾出針而徐入之經
曰隨而濟之是為之補迎而奪之是為之瀉。○素問云
刺實須其虛者留針待陰氣至乃去針也刺虛須其實
者留針待陽氣備乃去針也。

口訣 十二經絡之病欲針之時實則瀉之虛則補之熱

則疾之寒則留之。熱則灸之。不虛不實。以經取之。○經云虛則補其母。而不足實則瀉其子。而有餘當先補而後瀉。假令人氣在足。太陽膀胱經虛則補其陽所出為井。屬金。下針得氣。迎而濟之。右手取針徐出。而疾捫之。是謂補也。實則瀉其陽所注為俞。屬木。下針得氣迎而奪之。左手開針穴。疾出針而徐捫之。是謂之瀉也。

臟腑陰陽呼吸內外。撚針瀉手法。○外撚隨呼吸補臟虛。吸來裏轉瀉實肥。六腑病加顛倒用。但依呼吸病還除。女人補虛呵內轉。吸來外轉瀉實肥。依經三度調病氣。但今呼吸莫令疎。○男子用虛呵外轉。○吸來內轉瀉。

實肥。○女人補虛呵內轉。○吸來外轉。瀉實肥。○

進火補。初進針一分。呼氣一口。退三退。進三進。令病人鼻中吸氣。口中呼氣。三次。把針搖動。自然熱矣。如不應。依前導引。

進水瀉。初進針一分。吸氣一口。進三進。退三退。令病人鼻中出氣。口中吸氣。三次。把針搖動。自然冷矣。如不應。依前導引之。再不應。依生成息數。按所病臟腑之數。自覺冷熱應手。

下手八法口訣

揣揣而尋之。凡點穴以手揣摸其處。任陽部筋骨之側陷。

者為真。在陰部都腦之間。動脉相應。其肉厚薄。或伸或屈。或平或直。以法取之。按而正之。以大指爪切掐其穴。於中庶得進退。方有準也。難經曰。刺榮毋傷衛。刺衛毋傷榮。又曰。刺榮無傷衛者。乃掐按其穴。令氣散。以針而刺。是不傷其衛氣也。刺衛無傷榮者。乃撮起其穴。以針卧而刺之。是不傷其榮血也。此乃陰陽補瀉之大法也。爪爪而下之。此則針賦曰。左手重而切按。欲令氣血得以宣散。是不傷於榮衛也。右手輕而徐入。欲不痛之。因此乃下針之秘法也。

搓搓而轉者。如搓線之貌。勿轉太緊。轉者左補右瀉。以大

指次指相合。大指往上進為之左。大指往下退為之右。此則迎隨之法也。故經曰迎奪右而瀉涼。隨濟左而補。緩此則左右補瀉之大法也。

彈。彈而努之。此則先彈針頭待氣至却退一豆許。先淺而後深。自外推內補針之法也。

搖。搖而伸之。此乃先搖動針頭待氣至却退一豆許。乃先深而後淺。自內引外瀉針之法也。○故曰針頭補瀉。

捫。捫而閉之。經曰凡補必捫而出之。故補欲出針時就捫閉其穴。不令氣出。使血氣不泄。乃為真補。

循。循而通之。經曰凡瀉針必以手指於穴上四傍循之。使

令氣血宣於方可下針。故出針時不閉其穴。乃為真瀉。

○此提按補瀉之法。男女補瀉左右反用。

撚撚者。治上六指向外撚。治下大指向內撚。外撚者。令氣向上而治。內撚者。令氣向下而治病。如出針內撚者。令氣行至病所。外撚者。令邪氣至針下而出也。○此下手八法口訣也。

生成數。

聚英

天一生水。地六成之地。二生火。天七成之。天三生木。地八成之地。四生金。天九成之。天五生土。地十成之。

問經脉。有奇經八脉。

設為問答。

楊氏

難經云。脉有奇經八脉者。不拘於十二經。何謂也。然有陽維。有陰維。有陽蹻。有陰蹻。有衝。有任。有督。有帶之脉。凡此八脉。皆不拘於經。故曰奇經八脉也。經有十二。絡有十五。凡二十七。氣相隨上下。何獨不拘於經也。然聖人圖設溝渠。通利水道。以備不然。天雨降下。溝渠溢滿。當此之時。霧霈妄行。聖人不能復圖也。此絡脉滿溢。諸經不能復拘也。

問迎隨之法。

經曰。隨而濟之。是為補。迎而奪之。是為瀉。夫行針者。當刺之時。用皮鍼。揲執針。復以口溫針。執先以左手爪。按其所刺。榮俞之穴。彈而努之。爪而下之。捫而循之。通而取之。人

病人咳嗽一聲。右手持針而刺之。春夏二十四息。先深後

淺。其淺深之故。註探此賦內。秋冬三十六息。先淺後深。徐徐而入。氣來

如動脈之狀。針下輕滑。未得氣者。若魚之未吞鉤。既吞得

氣。宜用補瀉。補隨其經脈。推而按內之。停針一二時稍久。

凡起針。左手開針穴。徐出鍼而疾按之。瀉迎其經脈。提而

動。伸之。停針稍久。凡起針。左手開針穴。疾出針而徐按之。

補針左轉。大指努出。瀉針右轉。大指收入。補者先呼後吸。

瀉者先吸後呼。疼痛即瀉。痒麻即補。

問補鍼之要法

答曰。補針之法。左手重切十字縫紋。右手持針於穴上。次

令病人咳嗽一聲。隨咳進針。長呼氣一口。刺入皮三分。針
手經絡者。效。春夏停二十四息。針足經絡者。效。秋冬停三
十六息。催氣針。沉行九陽之數。撚九。號曰天才。少停
呼氣二口。徐徐刺入肉三分。如前息數足。又覺針沉緊。以
生數行之。號曰人才。少停呼氣三口。徐徐又插至筋骨之
間三分。又如前息數足。復覺針下沉澁。再以生數行之。號
曰地才。再推進一豆。謂之按。為截為隨也。此為極處。靜以
久留。却須退針至人部。又待氣沉緊時。轉針頭向病所。自
覺針下熱。虛羸痺麻。病勢各散。針下微沉後。轉針頭向上。
插進針一豆許。動而停之。吸之乃去。徐入徐出。其穴急扞。

岐伯曰。下針貴逢。太急傷血。出針貴緩。太急傷氣。正謂針之不傷於榮衛也。是則進退往來。飛經走氣。盡於斯矣。

問瀉針之要法

凡瀉針之法。左手重切十字縱紋。三次。右手持針於穴上。次令病人咳嗽一聲。隨咳進針。插入三分。刺入天部。少停。直入地部。提退一豆。得氣沉緊。搓撚不動。如前息數盡。行六陰之數。撚六撚六。吸氣三口。回針提出至人部。號曰地才。又待氣至針沉。如前息數足以成數行之。吸氣二口。回針提出至天部。號曰人才。又待氣至針沉。如前息數足以成數行之。吸氣回針。提出至皮間。號曰天才。退針一豆。謂

之提為擔為迎也。此為極處靜以久留。仍推進入部。待針沉緊氣至。轉針頭向病所。自覺針下冷。寒熱痛痒。病勢各退。針下微鬆。提針一豆許。搖而停之。呼之乃去。疾入徐出。其穴不開也。

問經絡

答曰。經脉十二。絡脉十五。外布一身。為血氣之道路也。其源內根於腎。迺生命之本也。根在內而布散於外。猶樹木之有根本。若傷其根本。則枝葉亦病矣。苟邪氣自外侵之。傷其枝葉。則亦累其根本矣。或病候內生。則其勢必然。故言五臟之道。皆出經隧。以行血氣。經為正經。絡為支絡。血

氣不和百病乃生。但一經精氣不足便不和矣。故經曰邪中於陽則溜於經。自面與頸則下陽明。自項與背則下太陽。自頰與脇則下少陽。邪中於陰則溜於腑。自四末臂腋始而入三陰。臟氣實而不能容故還之於腑。腑者謂膽胃膀胱大小腸也。故刺各有其道焉。針下察其邪正虛實以補瀉之。隨其經脉榮衛以迎隨之。其道皆不有違也。凡中外之病始自皮膚血脉相傳。內連腑臟則四肢九竅壅塞不通。內因之病令氣盛衰。外連經絡則榮衛傾移。上下左右虛實生矣。經云風寒傷形。憂恐忿怒傷氣。氣傷臟乃病。臟寒傷形。乃應形。風傷筋。乃應筋。此形氣內外之相應也。

○外具陰陽。筋骨為陰。皮膚為陽。

○內具陰陽。五臟為陰。六腑為陽。

問子午補瀉

荅曰。此乃宣行榮衛之法也。故左轉從子。能外行諸陽。右轉從午。能內行諸陰。人身則陽氣受於四末。陰氣受於五臟。亦外陽而內陰也。左轉從外。則象天。右轉從內。則象地。中提從中。則象人。一左一右一提。則能使陰陽內外之氣出入。與上下相參往來。而榮衛自流通矣。男子生於寅。寅陽也。以陽為主。故左轉順陽為之補。右轉逆陽為之瀉。女子生於申。申陰也。以陰為主。故右轉順陰為之補。左轉逆陰為之瀉。此常法也。然病有陰陽寒熱之不同。則轉針取

用出入當適其所宜。假令病熱則刺陽之經以右為瀉。以左為補。病寒則刺陰之經以右為瀉。左為補。此蓋用陰和陽。用陽和陰。通變之法也。大凡轉針逆順之道。當明於斯。
子合穴入盛補之。順其入也。午榮穴寸盛瀉之。順其出也。

問鍼頭補瀉何如

答曰。此乃補瀉之常法也。非呼吸而在手指。當刺之時。必先以左手壓按其所針榮俞之處。彈而努之。爪而下之。其氣之來如動脈之狀。順針而刺之。得氣推而內之。是謂補。動而伸之。是謂瀉。夫實者氣入也。虛者氣出也。以陽生於外。故入。陰生於內。故出。此乃陰陽水火出入之氣所不同。

也。宜詳察之。此外有補針導氣之法。所謂捫而循之者。是於所刺經絡部分。上下循之。故令氣血舒緩。易得往來也。切而散之者。是用大指爪甲。左右于穴切之。腠理開舒。然後針也。推而按之者。是用右指捻針。按住。近氣不失。則遠氣乃來也。彈而努之者。是用指甲彈針。令脉氣臍滿。而得疾行。至於病所也。爪而下之者。是用左手指爪連甲。按定針穴。乃使氣散而刺滌。使血散而刺衛。則置針各有準也。通而取之者。是持針進退或轉或停。以使血氣往來。遠近相通。而後病可取也。外引其門以開其神者。是先用左指收合針孔。乃放針。則經氣不泄也。故曰。知為針者。信其左。

問候氣之法何如

荅曰。用針之法。候氣為先。須用左指。閉其穴門。心無內慕。如待貴人。伏如橫弩。起若發機。若氣不至。或雖至如慢然。後轉針取之。轉針之法。令患者吸氣。先左轉針。不至。左右一提也。更不至者。用男內女外之法。男即輕手按穴。謹守勿內。女即重手按穴。堅拒勿出。所以然者。持針居內。是陰部。持針居外。是陽部。淺深不同。左手按穴。是要分明。只以得氣為度。如此而終不至者。不可治也。若針下氣至。當察其邪正。分其虛實。經言邪氣來者緊而疾。穀氣來者徐而和。但濡虛者即是虛。但牢實者即是實。此其訣也。

問呼吸之理

答曰。此乃調和陰陽法也。故經言呼者因陽出。吸者隨陰入。雖此呼吸分陰陽。實由一氣而為體。其氣內歷於五臟外。隨於三焦。周布一身。循環經絡。流注孔穴。順其形氣之方圓。然後為用不同耳。是故五臟之出入。以應四時。三焦之升降。而為榮衛經脉之循環。以合天度。然則呼吸出入。乃造化之樞紐。人身之關鍵。針家所必用也。諸陽淺在經絡。諸陰深在臟腑。補瀉皆取呼吸。出內其鍼。蓋呼則出其氣。吸則入其氣。欲補之時。氣出針入。氣入鍼出。欲瀉之時。氣入入針。氣出出針。呼而不過三口。是外隨三焦之陽吸。

而不過五口。是內迎五臟之陰。先呼而後吸者。為陽中之陰。先吸而後呼者。為陰中之陽。乃各隨其病氣。陰陽寒熱而用之。是為活法。不可誤用也。

○三陰之經。先吸後呼。

○三陽之經。先呼後吸。

問迎隨之理何如

答曰。此乃針下予奪之機也。第一要知榮衛之流行。所謂諸陽之經。行於脉外。諸陽之絡。行於脉內。諸陰之經。行於脉內。諸陰之絡。行於脉外。各有淺深。立針以一分為榮。二分為衛。交互停針。以候其氣。見氣方至。速便退針。引之即是迎。見氣已過。然後進針。追之即是隨。故刺法云。動退空。

歌迎奪右而瀉涼推內進提隨濟左而補煖。第二要知經
脉之往來。所謂足之三陽從頭走足。足之三陰從足走腹。
手之三陰從胸走手。手之三陽從手走頭。得氣以針頭逆
其經脉之所來動而伸之。即是迎。以針頭順其經脉之所
往推而內之。即是隨。故經云實者絕而止之。虛者引而起
之。○凡下針之法。先用左手揣穴。爪按令血氣開舒。乃可
內針。若欲出血。勿以爪按。右手持針於穴上。令患人咳嗽
一聲。撚之一左一右。透入於腠理。此即是陽部奇分。刺要
云。一分為榮。又云方刺之時。必在懸陽。然後用其呼吸。徐
徐推之。至於肌肉。以及分寸。此二者即是陰部偶分。刺要

又云。二分爲衛。方刺之時。必在懸陽。及與兩衛神屬。勿去。知病存亡。却以左手按穴。令定象地而不動。右手持針。法天之運轉。若得其氣。左手按穴。可重五兩以來。右手存意。捻針而行。柁瀉。惟血脈在。俞橫居。視之獨澄。切之獨堅。凡刺脈者。隨其順逆。不出血。則發針。疾按之。凡刺淺深。驚針則止。凡行補瀉。穀氣而已。

問疾徐之理

荅曰。此乃持針出入之法也。故經言刺虛實者。徐而疾則實。疾而徐則虛。然此經有兩解。所謂徐而疾者。一作徐內而疾出。一作徐出針而疾按之。所謂疾而徐者。一作疾內

而徐出。一作疾出針而徐按之。而說蓋疾徐二字。一解作緩急之義。一解作久速之義。若夫不虛不實出針入針之法。則亦不疾不徐配乎其中可也。

開補瀉得宜

答曰。大略補瀉無逾三法。一則診其脉之動靜。假令脉急者。深內而又留之。脉緩者。淺內而疾發針。脉大者。微出其氣。脉滑者。疾發針而淺內之。脉瀉者。必得其脉。隨其逆順久留之。必先按而脩之。已發針。疾按其穴。勿出其血。脉小者。飲之以莖。二則隨其病之寒熱。假令惡寒者。先令得陽氣入陰之分。次乃轉針。退到陽分。令患者鼻吸口呼。謹按

生成氣息數足陰氣隆至針下必寒其人自清涼矣。又有病道遠者必先使氣直到病所寒即進針少許熱即退針少許然後却用生成息數治之。三則隨其診之虛實假令形有肥有瘦身有痛有麻痺病作有盛有衰穴下有牢有濡皆虛實之診也。若在病所用別法取之轉針向上氣自左轉針向下氣自下轉針向左氣自左轉針向右氣自右徐推其針氣自往微引其針氣自來所謂推之則前引之則止徐往微來以除之是皆欲攻其邪氣而已矣。

問自取其經

答曰刺虛刺實當用迎隨補其母而瀉其子若不虛不實

者則當以經取。謂其正經自得病。不中他邪。故自取其經也。其法右手有意持針。左手候其穴中之氣。若氣來至如動脈狀。乃內針。其續續而入。徐徐而撞入。榮至衛至。若得氣如鮪魚食鉤。則是刺之氣也。則隨本經氣血多少酌量取之。畧待少許。見氣盡乃出針。如未盡留針在門。然後出針。經曰有見如入。有見如出。此之謂也。

問補者從衛取氣。瀉者從榮置氣。

答曰。十二經脉皆以榮為根本。衛為枝葉。故欲治經脉。須調榮衛。欲調榮衛。須候呼吸。經曰衛者陽也。榮者陰也。呼者陽也。吸者陰也。呼盡內針。靜以久留。以氣至為故者。即

是取氣於衛。吸則內針。以得氣為故者。即是置氣於榮也。

問皮肉筋骨脉病

答曰。百病所起。皆始於榮衛。然後淫於皮肉筋脉。故經言是動脉者氣也。所生病者血也。先為是動。而後所生病也。由此推之。則知皮肉經脉。亦是後所生之病耳。是以刺法中。但舉榮衛。蓋取榮衛逆順。則皮骨肉筋之治。在其中矣。以此思之。至於部分有淺深之不同。却要下針無過不及。為妙也。○一曰皮膚。二曰肌肉。三曰筋骨。

問刺有久速

答曰。此乃量病輕重而行。輕者一補一瀉足矣。重者至再

至三也。假令得病氣而補瀉之。其病未盡。仍復停針。候氣再至。又行補瀉。經言刺虛瀕其實。刺實瀕其虛也。

問諸家刺齊異同

荅曰。靈樞所言。始刺淺之。以逐邪氣。而來血氣。謂絕皮以出陽邪也。

後刺深之。以致陰氣之邪。謂陰邪出者。火益深絕皮。致肌向未入分肉間也。

最後取刺極深之。以下穀氣。謂已入分肉之間。則穀氣出矣。

此其肯也。余讀難經。常見針師丁德用所註。乃言人之肌

肉。皆有厚薄之處。但皮膚之上。為心肺之部。陽氣所行。肌

肉之下。為肝腎之部。陰氣所行也。是說所以發揮靈樞之

旨。却甚詳明。至於孫氏千金方所言。針入一分。則知天地

之氣

此與血氣相合

針入二分則知呼吸出入下水火

之氣

此與血氣相合

針入三分則知四時五行五臟六腑

逆順之氣

此與血氣相合

針入皮三分心

肺之部陽氣所行入皮五分腎肝之部陰氣所行

天象三

之此說可謂詳明矣及夫後賢所著則又有自一分而累

至於十分之說此法益詳且密矣大抵博約不同其理無

異互相發明皆不必廢

問陰陽居易之理

答曰此則陰陽相乘之意也以其陽入陰分陰出陽分相

易而居成其病也推原所由或因榮氣衰少而衛氣內伐

或因衛氣衰少而榮氣外溢故令血氣不守其位。一方氣聚則為一方實。一方氣散則為一方虛。其實者為痛。其虛者為痒。痛者陰也。痛而以手按之不得者亦陰也。法當深刺之。痒則陽也。法當淺刺之。病在上者陽也。在下者陰也。病先起於陰者法當先治其陰而後治其陽也。病先起於陽者法當先治其陽而後治其陰也。

問順逆相反之由

荅曰。此謂衛氣獨不得循於常道也。其名曰厥。為病不同。刺法當別。故經言刺熱厥者。若留針反為寒。刺寒厥者。若留針反為熱。蓋被逆氣使然。由是言之。刺熱厥者宜三刺。

陰。一刺陽。刺寒厥者。宜二刺陽。一刺陰。惟其久病之人。則邪氣入深。却當深入而又留。須間日而復刺之。必先調其左右。去其血脉。

問虛實寒熱之治

荅曰。先診人迎氣口。以知陰陽有餘不足。以審上下經絡。循其部分之寒熱。切其九候之變易。按其經絡之所動。視其血脉之色狀。無過則同。有過則異。脉急以行。脉大以弱。則欲要靜。筋力無勞。凡氣有餘於上者。導而下之。不足於上者。推而揚之。經云稽留不到者。因而迎之。氣不足者。積而從之。大熱在上者。推而下之。從下止者。引而去之。大寒

在外者留而補之。入於中者從而瀉之。上寒下熱者推而上之。上熱下寒者引而下之。寒與熱爭者道而行之。宛陳而血結者刺而去之。

問補者從衛取氣瀉者從榮置氣。

衛氣者浮氣也。專主於表。榮氣者精氣也。專主於裏。故經言榮者水穀之精也。血氣調和於五臟。洒陳於六腑。乃能入脉。循上下。貫五臟。絡六腑也。衛者水穀之生也。悍疾滑利。不能入脉。故循皮膚之中。分肉之間。薰於肓膜。散於胸腹。逆其氣則病。從其氣則愈。如是則榮衛為中外之主。不亦大乎。安得不求其補瀉焉。

問刺陽者。臥針而刺之。刺陰者。按令陽散。乃內針。
答曰。刺陽部者。從其淺也。係屬心肺之分。刺陰部者。從其
深也。係屬腎肝之分。凡欲行陽。淺臥下針。循而捫之。令舒
緩。彈而努之。令氣隆盛。而後轉針。其氣自張布矣。以陽部
主動故也。凡欲行陰。必先按爪。令陽氣散。直深內針。得氣
則伸提之。其氣自調暢矣。以陰部主靜故也。

問能知迎隨之氣。可令調之。

答曰。迎隨之法。因其中外上下。病道遙遠而設也。是故當
知榮衛內外之出入。經脉上下之往來。乃可行之。夫榮衛
者。陰陽也。經言陽受氣于四末。陰受氣於五臟。故瀉者先

深而後淺。從內引持而出之。補者先淺而後深。從外推內而入之。乃是因其陰陽內外。而進退針耳。至於經脉為流行之道。手三陽經從手上頭。手三陰經從胸至手。足三陽經從頭下足。足三陰經從足入腹。故手三陽瀉者。針芒望外。逆而迎之。補者針芒望內。順而追之。餘皆倣此。乃是因其氣血往來。而順逆行針也。大率言榮衛者是內外之氣出入。言經脉者是上下之氣往來。各隨所在。順逆而為刺也。故曰迎隨耳。

問補瀉之時。與氣開闔相應否。

答曰。此法非止推於十干之穴。但凡針入皮膚間。當陽氣

舒發之公。謂之開針至肉分間。當陰氣封固之分。謂之闔。然開中有闔。闔中有開。一開一闔之機。不離孔中。交互停針。察其氣。以為補瀉。故千金言。衛外為陽部。榮內為陰部。問一刺之時。必在懸陽。及與兩衛。神屬勿去。知病時。答曰。懸陽。謂當腠理間。朝針之氣也。兩衛。謂迎隨呼吸出入之氣也。神屬不去。知病存亡。謂左手占候。以為補瀉也。此古人立法言多妙處。

問容針空豆許。

此法正為迎隨而設也。是以氣至針下。必先提退空歇容豆許。候氣至。然後迎之。隨之。經言近氣不失遠氣乃來。

問刺有大小。

答曰。有平補平瀉。謂其陰陽不平而後平也。陽下之曰補。陰上之曰瀉。但得內外之氣調則已。有大補大瀉。惟其陰陽俱有盛衰。內針於天地部內。俱補俱瀉。必使經氣內外相通。上下相接。盛氣乃衰。此名調陰換陽。一名接氣通經。一名從本引末。審按其道以予之。徐往徐來以去之。其實一義也。

問穴在骨所。

答曰。初下針入腠理得穴之時。隨吸內針。乃可深知之。不然氣與針忤不能進。又凡肥人內虛。要先補後瀉。瘦人內

實。要先瀉後補。

問補瀉得宜

荅曰。凡病在一方。中外相襲。用子午法補瀉。左右轉針是也。病在三陰三陽。用流注法補瀉。榮俞呼吸出納是也。二者不同。至於彈爪提按之類。無不同者。要明氣血何如耳。

問迎奪隨濟。固言補瀉其義何如。

荅曰。迎者。迎其氣之方來。如寅時氣來注於肺。卯時氣來注於大腸。此時肺大腸氣方盛。而奪瀉之也。隨者。隨其氣之方去。如卯時氣去注於大腸。辰時氣去注於胃肺與大腸。此時正虛。而濟補之也。餘倣此。

問針入幾分。留幾呼。

荅曰。不如是之相拘。蓋肌肉有淺深。病去有遲速。若肌肉厚實處。則可深。淺薄處。則宜淺。病去則速出針。病滯則久留針。為可耳。

問補瀉有不在井榮俞經合者多。如何。

荅曰。如睛明。瞳子。膠。治目疼。聽宮。絲竹空。聽會。治耳聾。迎香。治鼻。地倉。治口喎。風池。頭維。治頭頭。舌人。亦有不係井榮俞經合者如此。蓋以其病在上。取之上也。

問經穴流注。按時補瀉。今病在各經絡。按時能去病。荅曰。病著於經。其經自有虛實耳。補虛瀉實。亦自中病也。

病有一針而愈。有數針始愈。蓋病有新痼淺深。而新淺者。一針可愈。若深痼者。必發針可除。丹溪東垣有一劑愈者。有至數十劑而愈者。今人用一針不愈。則不再針矣。且病非獨出於一經一絡者。其發必有六氣之兼感。標本之差殊。或一針以愈其標。而本未盡除。或獨取其本。而標復尚作。必數針方絕其病之鄰也。

問針形至微何能補瀉

荅曰。如氣毬然。方其未有氣也。則懣塌不堪蹴踢。及從竅吹之。則氣滿起。胖此虛則補之之義也。去其竅之所塞。則氣從竅出。復懣塌矣。此實則瀉之之義也。

問內經治病湯藥少而針灸多何也。

答曰。內經上古書也。上古之人。勞不至倦。逸不至流。食不肥鮮。以戕其內。衣不蘊熱。以傷其外。起居有節。寒暑知避。恬澹虛無。精神內守。病安從生。雖有賊風虛邪。莫能深入。不過湊於皮膚。經滯氣鬱而已。以針行氣。以灸散鬱。則病隨已。何待於湯液耶。當今之世。道德日衰。以酒為漿。以妄為常。縱慾以竭其精。多慮以散其真。不知持滿。不解御神。務快其心。過於逸樂。起居無節。寒暑不避。故病多從內生。外邪亦易中也。經曰。針刺治其外。湯液治其內。病既屬內。非湯液又不能濟也。此和緩以後。方藥盛行。而針灸兼用。

固由世不古。若人非昔比。亦業針法之不精。傳授之不得其訣耳。非古用針灸之多。今用針灸之少。亦非湯液之宜於今。而不宜於古耶。學者當究心焉。

問八法流注之要訣何如。

荅曰。口訣固多。未能悉錄。今先撮其最要者而言之。上古流傳真口訣。八法原行只八穴。口吸生數熱。變寒。口呼成數寒。變熱。先呼後吸。補自真。先吸後呼。瀉自捷。徐進疾退。曰瀉寒。疾進徐退。曰補熱。緊提慢按。似冰寒。慢提緊按。如火熱。脉外陽行。是衛氣。脉內陰行。是榮血。虛者徐而進之。機實者疾而退之。說補其母者。隨而濟。瀉其子者。迎奪掣。

但分迎奪與濟隨實瀉虛補不妄說。天部皮膚肌肉人地部筋骨分三截。衛氣逆行榮順轉。夏淺冬深肥瘦別。毋傷筋膜用意求。行針猶當辨骨節。拇指前進左補虛。拇指後退右瀉實。牢濡得失定浮沉。牢者為得濡為失。瀉用方而補為圓。自然榮衛相交。接右瀉先吸退針呼。左補先呼出針吸。莫將此法作尋常。彈努循捫指按切。分筋離骨陷中來。却將機關都漏泄。行人載道欲宣揚。湍水風林沒休歇。感謝三皇萬世恩。闡盡針經真口訣。

禁針穴歌

腦戶顙會及神庭。玉枕絡却到承靈。顙息角孫承泣穴。神道靈臺膻中明。水分神闕會陰上。橫骨氣衝針莫行。箕門承筋手五里。三陽絡穴到青靈。孕婦不宜針。合谷三陰交。內亦通論。石門針灸應須忌。女子終身孕不成。外有雲門并鳩尾。缺盆主客深。暈生肩井深時亦暈倒。急補三里人還平。刺中五臟胆皆死。衝陽血出投幽冥。海泉顴髎乳頭上。脊間中髓僂僂形。手魚腹陷陰股內。膝臑筋會及腎經。腋股之下各三寸。目眶關節皆通評。

禁灸穴歌

啞門風府天柱擎。承光臨泣頭維平。絲竹攢竹睛明穴。素
髕禾髕迎香程。顴髕下關人迎去。天牖天府到周榮。淵液
乳中鳩尾下。腹哀臂後尋肩貞。陽池中冲少商穴。魚際經
渠一順行。地五陽關脊中主。隱白漏谷通陰陵。條口犢鼻
上陰市。伏兔髀關中。腓迎委中殷門承扶上。白環心俞同
一經。灸而勿針。針勿灸。針經為此。嘗叮嚀。庸醫針灸一齊
用。徒施患者。炮烙刑。


其法從冬至

立春數起至

太乙九宮圖

立冬中宮止。

復從冬至起。




太乙歌。

立春艮上起天留。戊寅巳丑左足求。春分左脇倉門震。乙卯日見定為讎。立夏戊辰巳巳巽。陰洛宮中左手愁。夏至上天丙午日。正直應喉離首頭。立秋玄委宮右手。戊申巳未坤上游。秋分倉果西方兌。辛酉還從右脇謀。立冬右足加新洛。戊戌巳亥乾位收。冬至坎方臨叶蟄。壬子腰尻下竅流。五臟六腑并臍腹。招搖戊巳在中州。潰治癰疽當須避。犯其天忌疾難瘳。

按難經太乙日遊。以冬至日居叶蟄宮。數所在從一處。至九日復反如是無已。終而復始。


九宮死神禁忌圖。

坤蹠震肱指牙上。巽顴頭兮乳口
 中。面背目乾手膊兌項腰良膝肋
 離從坎肘脚肚輪流數惟有肩尻
 在中宮。



此神農所製其法一歲起坤二
 歲起震逐年順飛九宮過而復
 始行年到處所主傷體切忌針
 灸若誤犯之輕發癰疽重則喪
 命戒之戒之。

此法一歲起至二歲



九部入神禁忌歌。

一臍二心三到肘。四咽五口六在

首。七脊八膝九在足。輪流順數忌

針灸。

十干人神。

甲不治頭。乙喉丙肩。丁心戊腹。己

脾庚腰辛膝。壬腎癸足。

十二支人神。

子目丑耳寅胃卯齒辰腰巳手午

心未足申頭酉膝戌陰亥頭。

起心。週而復始順數。

其法一歲起心二歲

十一部人神禁忌歌。

一心二喉三到頭四肩五背六腰
求七腹八項九足十膝十一陰
股是一週。

四季人神歌。

春秋左右脇冬夏在腰膺四季人
神處針灸莫妄施。

逐日人神歌。 初十一

廿一起足拇鼻柱手小指初二十
二二十二外踝髮際外踝位初三



起喉週而復始數之

十三二十三股內牙齒足及肝。初四十四廿四又腰間胃
腕陽明手。初五十五廿五并口內遍身足陽明。初六十六
廿六同手掌胃前又在胃。初七十七二十七內踝氣衝及
在膝。初八十八廿八辰腕內股內又在陰。初九十九二十
九。在尻在足膝脛後。初十二十三三十日腰背內踝足跗跗
逐時人神。

子時踝。丑時腰。寅時目。卯時面。辰時頭。巳手。
午時胃。未時腹。申時心。酉時背。戌時項。亥股
逐月血忌歌。

行針須要明血忌。正丑二寅三之未。四申五卯六酉宮。七

辰八戌九居巳。十亥十一月午當臘。十二更加逢日閉。

逐月血支歌

血支針灸仍須忌。正丑二寅三卯位。四辰五巳六年中。七
未八申九酉部。十月在戌十一亥。十二月於子上議。

四季避忌日

春甲乙 夏丙丁 四季戊巳 秋庚辛 冬壬癸

男避忌日

壬辰 甲辰 乙巳 丙午 丁未 辛未 除日

戌日

女避忌日

甲寅 乙卯 乙酉 乙巳 丁巳 辛未 破日
亥日

針灸服藥吉日

丁卯 庚午 甲戌 丙子 壬午 甲申 丁亥
辛卯 壬辰 丙申 戊戌 己亥 己未 庚子
辛丑 甲辰 乙巳 丙午 戊申 壬子 癸丑
乙卯 丙辰 壬戌 丙戌 開日 天醫 要安

針灸忌日

辛未 乃扁鵲死日 白虎 月厭 月殺 月刑
十干日不治病

甲不治頭 乙不治喉 丙不治肩 丁不治心 戊巳
日不治腹 庚不治腰 辛不治膝 壬不治脛 癸不
治足

按以上避忌俱不合素問乃後世術家之說惟四季避
忌與素問相同惟避此及屍神逐日人神可耳若急病
人屍神亦不可避也。

四卷終